



PRESS RELEASE. FOR URGENT RELEASE!

Curacao Restaurant Association ta lamenta ku te ahinda niun restorant no por habri su portanan, mientrestantu ta habri tur otro negoshi. Aglomerashon di 25 hende riba beach ta wordu permiti, pero laga 4 hende sinta na mesa den un restorant no por?

CRA a manda un protokol kompletu pa MEO kon restorant por i tin ku funshona. Restorantnan ya kava tine difisil komo ku mayoría ta depende di turismo. Delivery i take-out no ta e solushon, i mayoría ta hiba perdida ku esaki.

CRA ta representa mas ku 80 miembro. Tur ta disgusta i ta puntra nan mes kon ta posibel ku no por habri ahinda. Hasta sala di wak pelikula por habri, kaminda ta sinta den un sala ku erko, sin bon filtrashon, kaminda ku e chens di pasa e virus ta mas grandi. Esaki si por pero restorantnan no por?

For di kuminsamentu CRA a traha huntu ku MEO pa yega na solushonnan pa ku nos industria. Dikon ta straf nos awor?

Djadumingu awor ta Dia di Mama. Un dia importante pa restorantnan. Un dia ku por sierto por traha algún sen. Pero si ta warda te ku djasabra pa anuncia ku por habri, mayoría lo no por hasi muchu kos komo nos por hasi kompra pa djadumingu, komo tur distribudor lo ta será.

Hasta tin algún restorant k uta pensando pa será definitivamente i pidi fayisiment. Nos tas pera ku no mester yega leu asina.

Na nomber di tur nos miembronan,

Direktiva di CRA.